



UNIVERSITÄTS-
BIBLIOTHEK
PADERBORN

Universitätsbibliothek Paderborn

**R. D. Magistri Petri Lombardi Novariensis Episcopi
Parisiensis. Sententiarum Libri IV. quibus vniuersæ
Theologiæ summa continetur**

Petrus <Lombardus>

Mogvntiæ, 1632

De nominum differentia quibus vtimur loquentes de Deo. A

urn:nbn:de:hbz:466:1-38829

Deus sunt, vel aliqua alia : sed ipsa Trinitas tantū non illi vel alia Deuse est.

Et si de patre solo prædicta dicerentur, non tamen excluderetur filius, & spiritus sanctus.

D

August. in principio cap. 3. l. 3. contra Maximinum,

VERVNTAMEN, ait Aug. et si de solo patre prædicta dicerentur, non tamen excluderetur filius vel spiritus S. quia hi tres vnū sunt, sicut in Apoc. de filio legitur. & habet nomen scriptum, quod nemo scit nisi ipse: nō n. inde separatur pater vel spiritus S. Et cum dicitur: Nemo nouit patrem nisi filius, non inde separatur pater vel spiritus S. quia inseparabiles sunt. Aliquando etiam nominantur pater & filius, & tacetur spiritus S. vt veritas ad patrem loquens ait: Vt cognoscāt te, & quem misisti Iesum Christum, esse vnū verum Deum. Cur ergo (inquit August.) tacuit de spiritu sancto quia consequēs est, vt vbicunq; nominatur vnus, sicut pater & filius, tanta pace vni adhærens intelligatur etiam ipsa pax, quamuis non commemoretur: vno ergo istorum nominato, etiam reliqui intelliguntur, quod in pluribus scripturæ locis occurrit.

Lib. 6. de Trin. cap. 9. in medio.

DE NOMINVM DIFFERENTIA, QVIBVS VTIMVR LOQVENTES
de Deo

DISTINCT. XXII. **A**

POST prædicta nobis differendum videtur de nominum diuersitate, quibus loquentes de vnitatem ac Trinitate ineffabili vrimur. Deinde demonstrandū est, quib⁹ modis de ea aliquid dicatur. Illud ergo præcipue teneamus, quædam esse nomina distincte ad singulas personas pertinētia, vt ait Aug. in 9. lib. de Trin. quæ de singulis tantū dicuntur personis. Quædā vero vnitatem essentia signifiātia sūt, quæ & de singulis sigillatim, & de

Aug. lib. 5. de Trin. hac tradit:

I omnibus

*Ambros. in
principio
Prologi. li. 2.
de fide to. 2.*

omnibus cōmuniter dicuntur. Alia vero sunt quæ translatiuè ac per similitudinem de Deo dicuntur. Vnde Ambr. in 2. lib. de Trin. ait: Quo purius niteat fides, tripartita videtur deriuanda distinctio. Sunt n. nomina quædam, quæ euidenter proprietatem personæque deitatis ostendunt. Et sunt quædam, quæ perspicuam diuinæ maiestatis expriment veritatem. Alia verò sunt quæ translatiuè & per similitudinē de Deo dicuntur. Proprietatis itaque indicia sunt, generatio, filius, verbum, & huiusmodi: vnitatis vero æternæ, sapiētia, virtus, & veritas, & huiusmodi: similitudinis vero, splendor, character, speculum & huiusmodi.

Premissis addit quædam esse nomina, quæ temporaliter Deo conueniunt, & relatiuè dicuntur.

*Aug. cap. 16.
& ult. lib. 5.
per totum.*

HIS adiciendū est, quædam esse nomina, vt August. ait in 5. lib. de Trinit. quæ ex tempore Deo conueniunt, & relatiuè ad creaturam dicuntur: quorum quædam de omnibus dicuntur personis: vt, Dominus, creator, refugium: quædam autem non de omnibus, vt donatus, datus, missus.

De hoc nomine Trinitas addit.

PRÆTEREA est vnum nomen quod de nulla persona sigillatim dicitur, sed de omnibus simul, id est, Trinitas: quod non dicitur secundum substantiam, sed quasi collectivam pluralitatem designat personarum.

De aliis nominibus quæ temporaliter Deo congruunt, & non relatiuè dicuntur.

SVNT etiam quædam nomina quæ ex tempore Deo conueniunt, nec relatiuè dicuntur, vt humanatus, incarnatus, & huiusmodi. Ecce sex nominum differentias assignauimus, quibus vtimus loquentes de Deo: de quibus singulis agendum est.

Quod